



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

V. Romani quoque Pontifices mittebant aliquando hujus generis Legatos, ut Julius ad Orientales; quibus ministerium nudum injuctum erat, nulla verò jurisdictio. Ad hanc speciem pertine legatio ...

urn:nbn:de:hbz:466:1-15617

junctam & ad ceteros Italæ & Occidentis Episcopos profitentur apud Socratem : *Ejus synodi legationem obeuntes, ad tuam benignitatem & ad omnes Italos Occidentisque Episcopos literas afferimus.* Prætermitto infinita hujuscemodi exempla, quæ facile cumulari possent, cùm ista sufficient ad ostendandam hujus moris verutatem, in mittendis ad Romanam sedem ab Oriente & Occidente Legatis.

V. Vicissim quoque Romani Pontifices hujus primi generis Legatos quandoque mittebant, qui nulla jurisdictione instruti, ea tantummodo negotia curarent quæ mandatis continebantur. In hunc sensum referri debet legatio Elpidij & Philoxeni decreta à Julio ad Orientales in causa Athanasij, ut incitarent eos qui *judicium scriptis postulaverant*, ut peregrino. Quare nulla causa cognitio illis concessa erat, solo tantum monendi & evocandi ad Concilium ministerio defungebantur. Ad hanc speciem Legatorum pertinet quoque legatio Faustini Episcopi & Philippi atque Afelli Presbyterorum Ecclesiae Romanae, missa ad Concilium Carthaginense à Zozimo Papa. Nulla enim auctoritate vel jurisdictione sibi mandata Legati illi ornati erant; sed solum ministerium illis impositum erat ad tractanda capita mandatis comprehensa, de appellationibus Episcoporum & Clericorum ad Romanam sedem. *In iuncta sunt nobis à sede apostolica aliqua per scripturam, aliqua etiam in mandatis, cum vestra beatitudine tractanda.* Infra : *De his ergo primitis, si placet beatitudini vestre, traitemus, & postea cetera que acta vel inchoata sunt, inserita firmabuntur, ut ad sedem apostolicam rescriptis vestris intimare possitis.* Vnde patet negotiorum gerendorum causa decreta fuisse legationem à Zozimo & ab Ecclesiæ Romanae synodo. Quod patet evidentissime ex ipsius Commonitorij verbis, quod datum est Legatis: unde constat eos quidem vices Zozimi egisse, sed in procuratione negotiorum, non autem in aliqua jurisdictionis functione. *Vobis commissa negotia non laetent, inquit Zozimus. Vos ita ut nostra, immo quia nostra ibi in vobis presentia est, cuncta peragite; maximè cùm & hoc nostrum possitis habere mandatum;* cui canones Sardenses de appellationibus inserit.

VI. Etsi autem Legati Romanae Ecclesiæ solis negotiis curandis intenti essent, nullaque pars auctoritatis pontificia illis commissa esset, non vulgari honore excepti sunt à Concilio Carthaginensi. Etenim cùm Faustinus esset peregrinus Episcopus, & synodi Italicae, *τοῖς ἑταῖροις*, alienæ provinciæ negotiis sese immiscere contra canones non

poterat jure proprio, nec etiam jure delegationis, cùm Zozimi mandatum ad tractanda capita quædam de privilegiis Ecclesiæ Romanæ restrictum esset. Illud unum ex usu hujus seculi obtainere poterat, ut in Ecclesia Carthaginensi post Episcopum civitatis ante Presbyteros consideret, quod peregrino Episcopo dabatur, ut docent Episcopi Africani in Collatione Carthaginensi. Adde, ad sacrificij oblationem peragendam admitti potuisse ex canone Arelat. Concilij primi, quo inductum est anno cccxi v. ut peregrinis Episcopis ad offerendum detur locus: *De Episcopis peregrinis, qui in urbem solent venire, placuit eis locum dari, ut offerant.* Etenim ante hujus Concilii definitionem Eucharistia tantum in Ecclesia illis porrigebatur, juxta modum ab Aniceto Papa inductum; quo usus est erga Polycarpum Smyrnensem, quem Eucharistie communione in Ecclesia donavit, licet ante illud tempus peregrinis Episcopis Eucharistia domum mitti consuevit, ne à communione viderentur alieni. Vtiusque consuetudinis, & illius antiquissimæ, & indulgentioris ab Aniceto inducta, meminit Irenæus, qui *τὴν ἐργονην* concessam in Ecclesia Polycarpo Eucharistiam observat differtis verbis. *Ἐργονη* in eo versabatur, ex mea quidem sententia, quod Anicetus sacramenta non misseret domum, sed Polycarpo permisisset iis participare contra Ecclesia cancellos. Malè enim interpretes hunc locum ad celebrationem Liturgiæ ab Aniceto permisam trahunt, quemadmodum adnotavit vir doctissimus, cuius censura hac nostra observatione & canone Arelateni omnino confirmatur.

VII. Cùm ergo in eo positi essent Legati ut res Africanas attingere non possent, ad consensum tamen una cum ceteris Episcopis admissi sunt, illis praesentibus, de negotiis eorum curæ commissis deliberatum est; atque jus promenda sententie, in iis quæ constituta sunt de disciplina, delatum; ut patet ex capite quarto de abstinentia Clericorum ab uxoribus, quæ diserte Faustino censente decreta est. Aurelius Episcopus Carthaginensis jure metropolitico præfuit synodo. Proximum ab eo locum tenuit Valentinus primus sedis provinciæ Numidiæ Episcopus. Deinde Faustinus Ecclesiæ Potentine, provincia Italia Piceni, Legatus Ecclesiæ Romanae, qui ceteris provinciarum Africanarum Legatis numero ducentis & quindecim prælatus est. Post omnes Episcopos confederunt Philippon & Afellus Presbyteri, atque Legati Ecclesiæ Romanae, nullis aliis Presbyteris, neque ipsius Ecclesiæ Carthaginensis, ad hunc cœtum admissi. Quare si negotiorum pro-

In Collat. Carthag. c. 16.

Euseb. lib. 5. c. 26.
Grazie edit.

Fr. Florent ad Tit.
de Translat. Episc.
Vide H. Valentin
Notas ad Euseb.
lib. 5. hist. eccl.
cap. 24. pag. 109.